

Сән седвәр

Юстин районур олн хальмг өрк-бүл улс хәрү нүүдж ирцхаджәнә. Эврәннь төрскн газрурн ирсн саамднь бәәх гер бийсдән тосхдж авх ик керг теднә өмн зогсджана. Энүг тоолад, КПСС-н района комитет болн Советин района күцәгч комитет цәәлгъврин кәдлмш делгрүләд, нүүдж ирсн әмтст тосхлт кехин тускар бәәрн газрин организац дөнъ-нөкд болхиг тетгджәнә.

Района организацсин тиим дуудврар, нүүдж ирцхәсн хальмгуд дундас сән седвәрә, шунлтга улс гарад, наадксан бүрдәггәд, сән эклцтә кәдлмш кецхәдж йовна. Эн тускар партин член Бадмаев Харцхин үлгүр йилгьү үзмджтә.

Арвн өрк-бүлиг дахулдж одахн шидр Харцх Цагъан-

Амнд нуудж ирлә. Тер даругъан „Раздольный“ совхозин директор үр М. Тюринлә харгъдж күүндәд, кирпич келгәнә бригад бүрдәггәд, цаг түдлго Харцх кәдлмшиг эклв. Түрүн тавн хонгин до-тр эдн 6000 кирпич цокдж гаргъв. Эдн ссуд авад бийсдән гер намр күртл эркән уга тосхдж авхар бәәнә.

Эн метәр Бадмаев Эрнджән бас кирпич цокх бригад гаргъад, 1500 гар кирпич цокчксн бәәнә. Кирпич цоклгъна кәдлмшт кергтә зер-зев, ус, солом болн кәдлдж йовх улст хот-хоолинъ совхоз тасрлтан угагъар өгчәнә. Энүнднь хальмг улс ик ханлт өргджә-цхәнә.

Л. АХМАНДЖИЕВ.
Цагъан-Амн.